

中國方志叢書·華中地方·第一四七號

據

清同治十三年刊本
清吳雲輯


影印

江蘇省

京口三山志(焦山志)

(二)

成文出版社有限公司印行



10098802

中國方志叢書·華中地方·第一四七號

據

清同治十三年刊本
清吳雲輯


影印

江蘇省

京口三山志(焦山志)

(三)

成文出版社有限公司印行



10098803

中國方志叢書·華中地方·第一四七號

據

清同治十三年刊本
清·吳雲輯

影印

江蘇省

京口三山志(焦山志)

(四)


成文出版社有限公司印行

2
k29

4183

1187(10)

01/22/25



中華民國六十三年六月臺一版

京口三山志（焦山志）

全四冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

新學社
PDG

焦山志卷六

歸安吳雲輯

瘞鶴銘三

詩

宋

瘞鶴巖

胡致隆

當年誰爲裹元黃
潮打孤巖草木荒
華表竟無新信息
斷碑空有舊文章
雲埋紫蓋峰何在
烟鎖青田道正長
遙想華亭披鶴氅
擬隨明月過錢塘

寶墨亭

并序

蘇舜欽

丹陽子高得逸少瘞鶴銘於焦山之下及梁唐諸賢
四石刻共作一亭以寶墨名之集賢伯鎮爲之記遠
來求詩因作長句以寄

山陰不見換驚經京口今傳瘞鶴銘瀟灑集仙來作記
風流太守爲開亭兩篇玉槩塵初滌四體銀鉤薜尙青
我久臨池無所得願觀遺法快沈冥

遊焦山觀瘞鶴銘詩

吳琚

昔愛山樵書今踏山樵路江邊春事動梅柳皆可賦
羣

礪石徑微白浪灑衣屨臨淵魚龍驚捫崖猿鶴懼古刻
難細讀斷缺蒼蘚護歲月豈易考書法但追慕摩挲發
三歎欲去還小住習氣未掃除齒髮恨遲暮華亭鶴白
歸長江只東注寂寥千古意落日起烟霧

明

遊焦山觀瘞鶴銘

王同華

焦邱瘞鶴化空銘濤跡侵青光如苔色黯黯潛虬吟漢
季有高士隱淪江洲潄三詔身不起滄溟協元襟懷璧
於此山已遠漢室心江聲流萬古回波抱孤岑余本巖

魚山志 卷六 二
中物冥會驂仙禽俯窺絕嶂流仰睇懸蘿陰勞歌自招
隱清芬誠足欽

萬厯庚寅秋七月鄆郡汪宗尼載女郎馬鳳笙來
遊焦山無何陳揚產程應衢茅溱繼至相與披
草萊涉泥滓尋瘞鶴銘據石痛飲各賦一詩題
壁而去 汪宗尼

瘞鶴千古銘蒼苔迷怪石秀髯龍蛇文乃雜黿鼉跡

程應衢

殘碑旣剝落江澣雜亂石攀援厯潺湲欣然得遺跡

陳揚產

褰裳尋鶴銘捫蘿覓棧石不見剗刷人空餘蝌蚪跡

茅 溱

有鳥去不歸莫覲華表石誰爲千年人漫感千年跡

名媛
馬鳳笙

漠漠江上雲纍纍水際石何意金粉姿覲此烟霞跡

國朝

由青玉隴至雷轟石下探瘞鶴銘用吳琚游焦山

觀瘞鶴銘韻

王士禛

斜陽青玉塢遙指緣江路汨沒宵冥閒觸目難爲賦探
奇不覺遠春潮濺芒屨波閒鷗不猜崖仄鶻無懼遂造
亂石側遺銘龍鬼護幸及江痕減覲止諧夙慕憶昔瘞
鶴人山中幾年住言念朱方化寧不感遲暮回首望夷
山滄波日東注太息拊巖苔林巒生夕霧

尋瘞鶴銘

王士正

我思華陽人古字傳瘞鶴披蘚下崩巖天寒水方落

王子千副使焦麓別銘圖詩

王士正

摩圍居士言有徵大字無過瘞鶴銘瘞鶴之銘海門側

風濤萬古長冥冥雷轟浪打日剝蝕魚龍觝觸莓苔腥
逸少貞白辨疑似眾喙紛紜徒聽熒胎禽化去幾千載
片石呵護勞山靈歐陽及見六百字逮今存者如晨星
淮陽張昭老好事作爲考辨窮滄溟我昔懷古焦仙嶺
醉下水府搜林扁電光回首四十載歲月幾換堯階蓂
東川使君勇過我雙屐踏破三山青坐臥空山待水落
古寺破壁風泠泠椎拓數字比瓊玖綈錦什襲羅中庭
楚僧作圖向篷底青春白浪浮空舫題詩卻憶舊遊歷
百年飄忽風中螢

焦山別銘圖爲王副使煥作

朱彝尊

華陽真逸昔瘞鶴井穴乃在焦山根銘文不省誰氏作
紀年第有干支存審視要非唐後勒昔年曾與張弢論
茲山不與浮玉伍其地僻左稀攀援旋渦轉湍奔溜急
沐日浴月驚濤翻峯坳集海舶浪齧藏江豚銘辭汨沒
露日少誰挾地戶開天門丈人守靈威真官降趙尊若
非神人護遺跡安可捫蘆臺王君信好事躬自荷鍤操
犢禪剗苔剔蘚竟深入先以前趾次尻臀手捫其文無
闕欠一紙價已當瑤琨西江道士爲傳寫衣袂尙帶寒

潮痕惜哉轅馬且北去山游未遂括與溫何年金石其
搜討疑義相析窮其源

題王紫詮焦麓別銘圖作

史中義

水涸月墮空江船沈碑露脊沙痕穿絕幽穴險驚龍眠
霜裏不怕飢蛟涎驪珠到手神光圓華陽真逸誰代仙
浮邱丈人差拍肩胎禽遺蛻如輕烟想當騎背摩青天
夕遊瑤島朝芝田元裳縞袂乘蹻躡豈料埋骨寒潭淵
丹翠削壁當空懸豁欲壓波濤喧神仙有情淚如鉛
作銘記瘞忘歲年水聲風聲泠泠然清唳彷彿山之巔

駐慘白雁愁黃猿山鬼躑躅江妃憐插江玉笏龜趺堅
籀奇磔石魚蜃纏珠宮貝闕晶瑩連雷霆迴馭不敢鞭
玉霄仙客來紫瑤海門三過尋焦先嘯振林木歌扣舷
狂搜寶蹟荒江邊陰靈祕怪相迴旋龍宮水府紛擎拳
人力椎鑿何能前願君寶此輕瓊瑤爛鼎闕鼓同煊爛
束以綈錦包以氊勿使六丁下取騰龍泉焦麓金薤長
留傳

和江服懿飲焦巖觀瘞鶴銘建亭歌原韻

陳鵬年

松寥宜晴亦宜雨萬里年流在庭戶主人選勝開門軒
當杯似看蛟龍舞酒酣散步焦巖巔誰云煉石能補天
割取雲根八十字摩挲舊刻慚新鐫此物傳疑著江國
華陽逸少無人識豐隆肆虐海若貪徇見光芒射斗極
偶來水落窺坡陀殘銘幸不全消磨挽之重淵陟青嶂
翼以危亭臨碧波成勞木自眾擎出呵護千年龍象窟
依稀尙見鷺羣書髣髴猶存鼠鬚筆回思汨沒波浪時
萬仞鑱削非人爲遭逢明時乃復見山海效順神靈知
君不見寶物顯晦原無端澤宮石鼓還舊觀又不見龍

劒韜藏雙入水須臾躍出澄潭底文通插貂會有日莫
嘆采樵長因此洗盞何妨傾十石歡呼勇角千金擲笑
問蓬萊清淺無座中況有騎鯨客

瘞鶴銘歌爲陳滄洲先生作

汪士鋐

焦山山崖瘞鶴銘雷轟石裂沈江冥一朝水底出至寶
神物焜耀含精靈此碑書家最珍愛欲搨惟怕蛟龍腥
致令贗本遍天下刻畫嫫母誇娉婷或傳此是右軍筆
未睹真蹟憑圖經滄洲先生好古士搜奇抉怪真無寧
謁來江邊坐惆悵太息寶墨留空亭時當窮冬江水涸

巉巖洗刮平沙汀或側或仆露奇字磊落散布排天星
命工昇石置江岸殘筆散畫無留形重依舊石定方位
尋行數字留儀型屹如陰崖立華屋恍若江畔開新硯
字體寬綽具古隸鋒稜雖刊精光熒何年埋沒忽滯洩
奪取龍藏歸滄溟吾聞此焉神仙窟華陽真隱留芳馨
況此胎禽本真侶藏之山下餘千齡彷彿厥土勢爽塏
洪流後蕩前重扃祇今遺文七十字儼羅國寶充明庭
吾吳太守例神異驅使直可到六丁魚龍遁藏避神鏡
剗削嶮嶮磨青萍天生寶物世必顯雲日豈被烟塵膜